

**RADIO – TELEVIZIJA FEDERACIJE
BOSNE I HERCEGOVINE**

Sektor ekonomsko – finansijskih poslova
Odsjek Plana i analize
Sarajevo, 05.03.2013. godine

**INFORMACIJA O POSLOVANJU RTVFBiH ZA PERIOD JANUAR – DECEMBAR 2012.
GODINE**

Poslovanje Radio – televizije Federacije Bosne i Hercegovine je za period januar – decembar 2012. godine bilo uspješno. Ostvaren je pozitivan finansijski rezultat u iznosu od 317.847 KM (neto – dobit), što se može vidjeti iz slijedećih podataka, i to:

- UKUPAN PRIHOD ostvaren u iznosu od	30.934.898 KM i
- UKUPAN RASHOD ostvaren u iznosu od	30.518.812 KM,

čime je ostvarena dobit (bruto – dobit) u iznosu	416.086 KM i
porez na dobit u iznosu	98.239 KM.

Ukupno ostvareni (obračunati) prihodi, kao što je naprijed već rečeno, ostvareni su u iznosu od 30.934.898 KM. U odnosu na prethodnu godinu smanjeni su za 1%, odnosno za 317.047 KM, a u odnosu na planirana sredstva, ostvareni su više za 2%, odnosno za 483.698 KM.

Najznačajniji pad prihoda, kako u odnosu na ostvarene prihode u prethodnoj godini, tako i u odnosu na planirane su prihodi od RTV takse.

U odnosu na prethodnu godinu manji su za 5% ili za 950.484 KM, a u odnosu na planirana sredstva, manji su za 4%, ili za 643.474 KM.

Jedan od razloga smanjenja, je, *ne fakturisanje* RTV takse pretplatnicima koji prelaze na uslugu telekom operatera, Moja TV. Evidentiranje pretplatnika ide veoma sporo iz razloga što ne dobijamo podatke o pretplatnicima koji prelaze na jedan od paketa usluga Moja TV.

Pored paketa usluga Moja TV, pojavila se i mogućnost da korisnici usluga fiksne telefonije u BiH mogu nastaviti koristiti ove usluge mijenjajući telefonske operatere, ali ne i telefonski broj. Shodno odluci Regulatorne agencije za komunikacije u BiH slobodno se mogu prenijeti telefonski brojevi u jedan od tri velika telekom operatera u BiH i jedanaest manjih.

Evidentiranje i ove vrste pretplatnika ide veoma sporo iz razloga što nove pretplatnike možemo prijavljivati samo kontrolom od vrata do vrata jer ne dobijamo nikakve podatke.

Prihodi od RTV takse se evidentiraju u 100% iznosu na prihode, a Ispravka vrijednosti (rashodi po osnovu ispravke vrijednosti RTV takse) na neposredne rashode po različitim procentima po Telekomima utvrđenim na osnovu fakturisanog i naplaćenog prihoda, a u skladu sa Odlukom UO RTVFBiH.

Drugi, također, veoma bitni prihodi, su prihodi od usluga reklama. U 2012. godini, ostvareni su u iznosu od 10.828.968 KM. U odnosu na prethodnu godinu veći su za 4% ili za 369.865 KM, a u odnosu na planirana sredstva veći su za 8% ili za 828.968 KM.

Jednako bitni prihodi su i prihodi od usluga produkcije – Bingo, Loto i Super loto koji su ostvareni u iznosu od 1.253.848 KM i u odnosu na planirana sredstva veća su za 14% ili za 153.848 KM.

U skladu sa Cjenovnikom međusobnih usluga između RTVFBiH i BHRT i dalje se fakturišu pružene usluge Odjela RTV takse, Web i Teletext, Programska realizacija, Statistika i analiza programa, Sektora Marketing. Po osnovu gore navedenih pruženih usluga RTVFBiH refundira troškove od BHRT – a mjesečno ispostavljajući fakture od kojih su najznačajniji prihodi (refundirani) od pruženih usluga Odjela RTV takse koji za period januar – decembar 2012. godine iznose 731.622 KM.

Što se tiče proizvodnje programa za BHRT – e, RTVFBiH jedino ispostavlja fakture na ime naručenih usluga za emisiju Dobro jutro koju zajedno realizuju BHRT i RTVFBiH, dijeleći troškove u omjeru 50:50.

Ukupno ostvareni rashodi u 2012. godini iznose 30.518.812 KM. Na nivou su ostvarenih rashoda u prethodnoj godini, a u odnosu na planirana sredstva veći su za 484.177 KM.

Od ukupno ostvarenih rashoda u 2012. godini, iznos od 10.276.547 KM odnosi se na troškove plaća i ostalih primanja zaposlenih, zatim, troškovi proizvodnih usluga u iznosu od 7.400.696 KM, Amortizacija i troškovi rezervisanja u iznosu od 2.767.727 KM i gubici od prodaje, rashodovanja stalnih sredstava u iznosu od 6.670.512 KM, od čega su najznačajniji rashodi po osnovu ispravke vrijednosti RTV takse.

U okviru troškova plaća i ostalih primanja zaposlenih, najznačajnije su bruto – plate koje u 2012. godini iznose 7.417.627 KM. U odnosu na prethodnu godinu manje su za 5%, odnosno za 354.769 KM, a u odnosu na planirana sredstva manje su za 4%, odnosno za 282.373 KM.

U okviru troškova proizvodnih usluga koje se najvećim dijelom odnose na proizvodnju programa RTVFBiH, najznačajniji su troškovi usluga BHRT – a koje se fakturišu prema Cjenovniku međusobnih usluga i u skladu sa korištenim uslugama i to:

- troškovi RTV produkcije u iznosu od	3.106.161 KM ,
- troškovi PEP – a u iznosu od	739.066 KM,
- troškovi eko – fin poslova, pravnih i općih u iznosu od	264.253 KM,
- ostali prefakturisani troškovi BHRT – a (EURO 2012 i Ljetne Olimpijske igre) u iznosu od	1.272.942 KM i
- troškovi voznog parka BHRT – a u iznosu od	211.490 KM.

Na ime troškova za EURO 2012 i Ljetnih olimpijskih igara, London 2012 potpisan je Protokol između BHRT – RTVFBiH – RTRS kojim se uređuju međusobni odnosi u vezi zajedničke kupovine medijskih prava, odnosno zajedničke realizacije RTV prijenosa.

Što se tiče Bilansa stanja na dan 31.12.2012. godine u odnosu na isti period prethodne godine došlo je do blagog pada vrijednosti aktive i pasive i to za 6%, odnosno za 1.157.138 KM. Vrijednost aktive i pasive na dan 31.12.2012. godine iznosi 17.437.808 KM.

Ukupna potraživanja iznose 9.301.462 KM i u odnosu na dan 31.12.2011. godine manja su za 5% ili za 468.882 KM.

Ukupna potraživanja od kupaca RTV takse na dan 31.12.2012. godine iznose 250.126 KM, a na dan 31.12.2011. godine 7.704.526 KM. Iz navedenog se može vidjeti da je došlo do enormnog smanjenja potraživanja od RTV takse i to za 97 indeksnih poena, odnosno za 7.454.400 KM.

Sumnjiva i sporna potraživanja od kupaca RTV takse na dan 31.12.2012. godine iznose 7.299.759 KM. Navedena potraživanja bi trebala da se odnose na potraživanja preko godinu dana.

Uzimajući u obzir sve gore navedeno, može se pretpostaviti da je došlo do greške u knjigovodstvenom evidentiranju i da je na sumnjivim i spornim potraživanjima preknjiženo više nego što treba potraživanja.

U okviru ukupnih obaveza najznačajnije su obaveze prema dobavljačima koje iznose 5.587.040 KM od čega se iznos od 5.382.378 KM odnosi na dobavljače i zemlji. Od navedenog iznosa obaveza prema dobavljačima u zemlji najznačajnije su obaveze prema Radioteleviziji Bosne i Hercegovine (BHRT) u ukupnom iznosu od 1.574.654 KM.

Ostala kratkoročna rezervisanja iznose 6.131.163 KM i odnose se na ispostavljene fakture BHRT – a na ime troškova Amortizacije (70%) i Upravljanja imovinom i investicijama. RTVFBiH navedene ispostavljene fakture vraća BHRT – u mjesečno, ali se po istim evidentiraju rezervisanja (90%), zbog sudskog spora koji je u toku.

U 2012. godini održavani su sastanci sa BHRT – om u prisustvu sudskog vještaka dodijeljenim od strane Suda s ciljem rješavanja sudskog spora.

Međutim, i dalje je ostalo na pregovaranju, iznošenju različitih stavova i argumentacije, ali se do rješenja nije došlo.

Obaveze prema dobavljačima u inostranstvu iznose 204.661 KM i smanjene su za 64% ili za 363.295 KM. Druge obaveze, kao što su obaveze za poreze i doprinose (Ugovori o djelu, autorski ugovori, inkasanti i dr.) iznose 1.223.656 KM. Navedene obaveze smanjene su za 15 poena ili za 217.508 KM.

Bitno je napomenuti da je postignut kontinuitet u redovnoj (istovremenoj) isplati plaća zaposlenicima i plaćanju poreza i doprinose na iste.

U 2012. godini Porezna uprava Federacije Bosne i Hercegovine izvršila je kontrolu poslovanja unazad 5 godina, odnosno od 2007. do 2012. godine.

Sa Društvom za finansijsku reviziju MERFI potpisan je Ugovor o reviziji finansijskog poslovanja RTVFBiH za 2012. godinu koja je i najavila svoj dolazak.